



Adresa: Mula Mustafe Bašeskije 12/3

SARAJEVO

Telefon: 033/264-830

Tel/Fax: 033/552 461

E-mail: upfbih@bih.net.ba

Web: <http://www.upfbih.org>

Mail: udruzenje.poslodavacazedo@gmail.com

Grupacija poslodavaca ZE-DO kantona: Kancel. Zenica: 032 406 333

Zenica, 29.03.2017. godine

**ZAPISNIK
SA SJEDNICE SKUPŠTINE GRUPACIJE UDRUŽENJA POSLODAVACA
ZENIČKO-DOBOJSKOG KANTONA**

održane dana 27.03.2017. godine (ponedeljak), s početkom u 12:00h u hotelu „Internacional“ (Bulevar Kulina bana 29.) u Zenici.

Prema listi prisutnih Skupštini je prisustvovalo 21. delegat što u skladu sa članom 21. Pravilnika o radu Grupacije poslodavaca ZE-DO kantona pri UPFBiH, predstavlja kvorum za rad Skupštine.

Sjednici su prisustvovali: Mensur Krdžalić, Ibrahim Meškić, Sulejman Haračić, Izudin Neimarlija, Osmo Saračević, Dino Ahmić, Enver Kotorić, Šaban Bubalo, Zufer Suljić, Edin Bjelopoljač, Enes Karić, Mirsad Hadžan, Vladimir Franjić, Dinka Semić, Zoran Stapić, Ivo Mrkonjić, Abaz Alispahić, Alija Zukić, Ismet Begić, Džemal Rošić, Alija Sinanović,

Predsjednik Skupštine gđin. Mensur Krdžalić je pozdravio prisustne i predložio sljedeći:

DNEVNI RED

- 1) Izbor radnih tijela Skupštine:
 - a. zapisničar i dva ovjerivača zapisnika,
 - b. dva člana verifikacione komisije,
 - c. dva člana komisije za brojanje glasova.
- 2) Usvajanje Zapisnika sa redovne, prethodne Skupštine Grupacije Udruženju poslodavaca ZE-DO kantona
- 3) Podnošenje izvještaja o radu za 2016. godinu
- 4) Finansijski izvještaj o radu za 2016. godinu i plan za 2017. godinu
- 5) Predstavljanje Plana rada Grupacije poslodavaca ZE-DO kantona za 2017. godinu
- 6) Izbor i imenovanja:
 - a. Izbor novih članova UO
 - b. Izbor zamjenika člana ESV ZDK
 - c. Izbor predstavnika u redovnu skupštinu Udruženja poslodavaca FBiH
- 7) Razno

RASPRAVLJANJE PO TAČKAMA DNEVNOG REDA:

Tačka 1. a,b,c Izbor radnih tijela Skupštine

Vezano za ove tačke dnevnog reda Predsjednik Skupštine je upoznao prisutne da je potrebno imenovati zapisničara, dva ovjerivača zapisnika, dva člana verifikacione komisije, te dva člana komisije za brojanje glasova.

Predsjednik je zamolio prisutne da se izjasne o predloženim kandidatima, te su poslije glasanja imenovane sljedeće osobe:

Zapisničar - Lana Šabani

Ovjerivači zapisnika - Džemal Rošić, Edin Bjelopoljak

Članovi verifikacione komisije - Sulejman Haračić, Alija Zukić

Članovi komisije za brojanje glasova - Abaz Alispahić, Osmo Saračević

ZAKLJUČAK: Izabrane osobe su prihvatile imenovanja

Tačka 2. Usvajanje Zapisnika sa redovne, prethodne Skupštine Grupacije Udruženju poslodavaca ZE-DO kantona

Vezano za ovu tačku dnevnog reda prisutnima je predložen i dostavljen u dokumentaciji Zapisnika sa redovne, prethodne Skupštine Grupacije Udruženju poslodavaca ZE-DO kantona održane 05.04.2016. godine sa početkom 16:00 h, u prostorijama Privredne komore ZE-DO kantona (Mehmedalije Tarabara br.15.) u Zenici.

Zaključak: Nije bilo primjedbi na zapisnik i on je jednoglasno usvojen.

Tačka 3. Podnošenje izvještaja o radu za 2016. godinu

Vezano za ovu tačku dnevnog reda prisutni su se osvrnuli na aktivnosti Grupacije poslodavaca ZE-DO kantona. Prisutnima su predstavljani dostavljeni materijali pod ovom tačkom za sjednicu.

Samo neke od navedenih aktivnosti su učestvovanje u press konferencijama koje su organizovali lokalni mediji i mediji na nivou BiH, gostovanje predstavnika Grupacija poslodavaca ZDK, te predavljanje u emisijama i sl.

- 1) Organizovanje i učešće na seminarima međunarodnog i regionalnog značaja
- 2) Izvještaj o aktivnostima Grupacije poslodavaca prema zakonodavnoj i izvršnoj vlasti svih nivoa – upućni prijedlozi, inicijative itd.
- 3) Izvještaj o održanim sastancima s resornim ministrom Ministarstvo za rad, socijalnu politiku i izbjeglice ZDK , predloženi izvještaji o sastancima s načelnicima Općina u ZDK: Kakanj, Zenica, Zavidoviće, Maglaj.

g. Meškić naglašava da je :

- U općini Zavidovići u Kabinetu općinskog načelnika održan je sastanak Udruženja poslodavaca FBiH, Grupacije poslodavaca ZE-DO kantona i općinskog načelnika, Hašima Mujanovića.

- U uredu načelnika Općine Kakanj Nermina Mandre je upriličen prijem za delegaciju Grupacije poslodavaca Zeničko-dobojskog kantona. Na prijemu se razgovaralo o intenziviranju saradnje između Općine Kakanj i Grupacije, te o modalitetima poboljšanja privrednog ambijenta u Kakanju.

- U općini Maglaj sa g. Mirsadom Mahmutagićem gdje je istaknuto da je potrebno intenzivirati učestvovanje u projektima u svrhu podrške lokalnom i regionalnom razvoju koji će doprinosti razvoju društva kroz vidljivo pozitivne efekte u različitim oblastima – privreda, industrija, kultura, sport, mladi, turizam, socijalna zaštita, i zaštite okoliša.

Teme sastanka su bile sljedeće:

1. Upoznavanje sa Udruženjem poslodavaca FBiH, te sa programom rada UP FBiH,
2. Stvaranje povoljnijeg ambijenta za razvoj poduzetništva i zapošljavanja na područje općina uz prezentaciju iskustava drugih lokalnih zajednica na području ZE-DO kantona i šire,
3. Ukidanje svih parafiskalnih nameta i administrativnih barijera koje bitno utiču na poslovanje i razvoj poduzetništva i investiranje na području općina,
4. Podrška poslodavcima sa područja navedenih općine po različitim osnovama
5. Prezentacija mogućnosti i potreba općina za nove investicije.
6. Diskutovalo se o ključnim pitanjima postojećeg stanja privrede, te razmijeni ideja u pogledu budućeg razvoja općina. Zaključeno je da je potrebno je intenzivirati učestvovanje u projektima u svrhu podrške lokalnom i regionalnom razvoju koji će doprinosti razvoju društva kroz vidljivo pozitivne efekte u različitim oblastima – privreda, industrija, kultura, sport, mladi, socijalna zaštita, i zaštite okoliša. Istaknuta je potreba saradnje između predstavnika vlasti na svim nivoima, nevladinog i realnog sektora. Oni moraju da djeluju jedinstveno. Potrebno je ukloniti prepreke za investicije, jačati konkurentnost i transparentnost rada, te otvoriti mogućnosti ka budućim procesima koordinacije prilikom donošenja odluka i sprovođenja istih.
7. Potpisan Sporazuma o osnivanju Ekonomsko-socijalnog vijeća za područje ZDK - Nakon dostavljanja Rješenja o reprezentativnosti za Grupaciju poslodavaca ZDK, te dodjele reprezentativnosti, potpisan je Sporazuma o osnivanju Ekonomsko-socijalnog vijeća za područje ZDK. U pogledu formiranje Ekonomsko-socijalnog vijeća (ESV)ZDK značajno je napomenuti da je 14.02.2017. godine je u sjedištu Vlade Zeničko-dobojskog kantona potpisan Sporazuma o osnivanju Ekonomsko-socijalnog vijeća za područje ZDK. Supotpisnici tripartitnog ugovora su kantonalni odbor Saveza samostalnih sindikata BiH i Udruženjem poslodavaca FBiH – Grupacija poslodavaca ZDK, te Vladu Zeničko-dobojskog kantona. Prisutni su iskazali zadovoljstvo u pogledu postignutog stepena socijalnog dijaloga između Vlade Zeničko-dobojskog kantona i ostalih socijalnih partnera, te iskazali uvjerenje i nadu da će se i zvaničnim potpisivanjem Sporazuma međusobni odnosi i dijalog socijalnih partnera razvijati na dobrobit svih građana Zeničko-dobojskog kantona. - - Grupacije poslodavaca Zeničko-dobojskog kantona povodom potpisanog Sporazuma o osnivanju Ekonomsko-socijalnog vijeća za područje Zeničko-dobojskog kantona, odlukom Upravnog odbora 14.02.2017. godine imenovala članove ESV-a za ZE-DO kanton. Nakon toga je održana je 10.03.2017. godine konstituirajuće sjednice Ekonomsko-socijalnog vijeća za područje Zeničko-dobojskog kantona, gdje su članovi Grupacija poslodavaca Zeničko-dobojskog kantona imali svoje učešće.

Kroz stavku izvještaja u radu g . **Meškić** je predstavio u kojoj su fazi, koja zakonska rješenja predviđaju prednacrti: Zakona o porezu na dohodak i Zakona o doprinosima, Zakona o reviziji kao i dr. propisi koji su u procedurama izrade, raspravljalo se o pitanja nedostatak agrarne reforme, situacija sa Zakon o šumama i sl. .

ZAKLJUČAK :

- Izvještaj o radu za 2016. godinu je jednoglasno usvojen.

-Zaključeno je da je potrebno još jasnije definisati prioritete na nivou Grupacije, s tim da je danas jasno definisano šta su poslovi Udruženja, a šta UO Grupacije, šta Skupštine i sl.

-Zaključeno je da je postignuta stabilizacija Grupacije, kao i njenih organa, osigurana reprezentativnost, te kroz aktivnosti ESV- a sada možemo djelovati ravnopravno s vladom i sindikatima kroz saradnju a ne antagonizam, jer su i oni svjesni da je realni sektor najbitniji pri stvaranju novih vrijednost u društvu u ekonomskom i svakom drugom smislu.

- Očekuje se značajan uticaj na zakonske propise posebno kroz ESV, kroz javne debate, te je zaključeno da su takve aktivnosti pravo ali i dužnost poslodavca. Poslodavci se moraju više uključiti u ove aktivnosti, te izražavanju svojih reakcija na sva društvena dešavanja iz oblasti koje ih tangiraju i s kojima se svakodnevno susreću.

Tačka 4. Finansijski izvještaj o radu za 2016. godinu i plan za 2017. godinu

Vezano za ovu tačku dnevnog reda prisutni je predstavljen finansijski izvještaj o radu za 2016. godinu. Pri tome je predstavljene i usvojen finansijski plana za 2017. godinu .

g. Meškić – Predočio plan koji sadrži ukupne prihode 22.000.00 KM i ukupne rashode 20.268.00 KM. - Usvajen finansijski plana za 2017. godinu.

g. Bubalo- prigovara na organizaciju udruženja i ističe da bi bilo logično i funkcionalno da se prvo osniva udruženje na općinskom, pa na kantonalnom nivou pa zatim na federalnom nivou, a ne da se preskače neki od nivoa, jer zbog toga se onda stvara konfuzija i razbija jedinstvo. Smatra da svaki poslodavac mora biti član udruženja u lokalnoj zajednici da bi bio član Grupacije, te da se uradi sistematizacija kroz djelatnosti, broj zaposlenih i da se mreža razvija.

g. Franjić: složio se s g. Bubalom, te osvrnuo se na Odluke o visini i načinom plaćanja članarine u Udruženju poslodavaca u FBiH koja glasi da kolektivni članovi UPFBiH, plaćaju članarinu UPFBiH, obračunatu prema ukupnom broju zaposlenih, primjenjujući regresivnu skalu iz člana 1. ove Odluke. Ukoliko UPFBiH ne raspolaže tačnim podacima o broju zaposlenih iz stava 1. ovog člana, tada se visina članarine utvrđuje u dogovoru sa kolektivnim članom, polazeći od kriterija njegovog značaja i finansijskih mogućnosti. Shodno tome on smatra da je puno bolje i finansijski isplativije da članovi koriste opcija člana 2. koja govori o kolektivnom članstvu.

Osvrnuo se na pozitivnu praksu rada udruženja u općini Tešanj, Kakanj, Maglaj. Za Zenicu smatra da ima dobre osnove ali da neke stvari ne funkcionišu.

Predložio i smatra da treba ojačati zeničko udruženje, urediti kolektivno članstvo. Predložio piramidalno uređenje udruženje sa općinski, kantonalni i federalni nivo i shodno tome delegiranje kandidata. Grupacija ima veliku vrijednost, međutim smatra da bi navedeni prijedlozi značajni za dalji rad iste.

Predložio da Skupština donese zaključak o kojem će glasati da UPFBiH dostavi spisak članova firmi i udruženja, te da se zna raspodjela sredstava za ZE-DO kantoni, da se zna ko je šta platio , te smatra da dio sredstava treba ići i na razvoj lokalne zajednice.

Prisutni na to utvrdili da su ti podaci transparentni i da do njih nikad nije bilo problem doći.

g. Semić- Treba utvrditi plan finansiranja, te izraditi cjelovit plan finansiranja od općinskog ka federalnom nivou. Smara da obećanja u pogledu finansiranja nisu dobra osnova za dugoročno funkcionisanje. O problemima o kojima su učesnici govorili pod ovom stavkom smatra da se trebaju brzo riješiti i podržava ideju da se općinskim udruženjima članarina plaća pa onda kantonalno i federalno. Potrebno je da se donese adekvatan akt o regulaciji. Naglašava da se za svako uspješno poslovanje kreće od stabilnih sredstava finansiranja i pismenih planova. Konkretno u praksi se susreće sa velikim problemima o kojima će dostaviti i pismene prijedloge da se stave u proceduru rada Grupacije.

g. Mrkonjić- Povodom članarina treba da se napravi Pravilnik te da se jasno procentualno vidi koiko ide na federalni a koliko ostaje nižim nivoima. Da se uredi tako da neko ne može biti član federalnog ako nije član općinskog i sl. situacije. Ovim bi se trebala baviti posebno formirana ekspertna grupa.

ZAKLJUČAK:

- Usvajen izvještaj za 2016. godinu i finansijski plana za 2017. godinu
- Zaključeno je da je Grupacija od prioritetnog značaja pitanja i problematika poslodavca na području cijelog ZE-DO kantonu što će biti prioritet u radu Grupacije.
- Potrebno je zauzeti konačan stav oko plaćanja članarina, jer je trenutno nejasna situacija i članovi bi željeli da se zauzme jedinstven stav.
- Potrebno je donijeti novi Pravilnik o uplati i raspodjeli sredstava i da bude pri tome trostruko dimenzioniran pristup po pitanju uplate članarina- općina, kanton, federacija.

Tačka 5. Predstavljanje Plana rada Grupacije poslodavaca ZE-DO kantona za 2017. godinu

Vezano za ovu tačku dnevnog reda prisutnima je predložen dokument planiranih aktivnosti kroz Program rada Grupacije za 2017. godinu i to:

1. Rad na povećanju članova. Informisanje članstva i javnosti, putem, web stranice, društvenih mreža, elektronskih i printanih medija, sajмова, vlastitog news lettera i sl.
2. Rad na projektima
3. Organizovanje i učešće u profesionalnim edukacijama
4. Rad na izmjenama konkretnih zakonskih rješenja
5. Pokretanje inicijativa za poboljšanje poslovnog ambijenta
6. Saradnja sa vlastima
7. Saradnja s drugim nevladinim udruženjima
8. Zaštita interesa članova u primjeni propisa koji se odnose na djelatnost članova
9. Stručno i poslovno povezivanje privrednika i osnivača preduzeća sa privatnim kapitalom
10. Razmjena iskustava i informacija članova Grupacije, kao i sa drugim naučnim i stručnim radnicima i privrednicima iz BIH

11. Poslovno povezivanje sa privrednim subjektima i institucijama u smislu donošenja i praćenja razvojnih projekata i programa
12. Iniciranje donošenja akata značajnih za rad i privređivanje
13. Organizovanje stručnih i naučnih skupova kao i izdavanje odgovarajućih publikacija, časopisa i drugo
14. Organizovanje seminara i instruktivnih savjetovanja u cilju usavršavanja
15. Formiranje baze podataka radi informisanja članova
16. Zastupanje članova grupacije pred nadležnim institucijama
17. Organizovanje raznovrsnih aktivnosti u cilju unaprijedjenja privrednih i drugih djelatnosti od interesa za Grupaciju
18. Obavlja ostale aktivnosti iz navedenih osnovnih ciljeva i zadataka

g. Bubalo - smatra da je potrebno utvrditi status Obrtnika – da imaju status kao povlaštenoj kategoriji za osnovice obračun, i povlaštene kategorije.

Kroz diskusije svi prisutni su iznijeli neka od iskustava u svom poslovanju, u poslovanju njihovih preduzeća, te iskustvima iz njihove lokale zajednice.

Diskutovano je je o pitanjima nedovolje apsorpcije moći, pristupa fondovima EU, bespovratnim sredstvima i sl. problemima nezaposlenosti te apsurdna da je u periodu velike nezaposlenosti teško naći zaposlenika, pitanja zapošljavanja osoba sa invaliditetom, pitanje zdravstvenog osiguranja, rada biroa za zapošljavanja, pitanja revizorskih usluga i njihove korisnosti s obzirom da u praksi ne vide svrhu istih, odnosi i postupanja inspeksijskih organa i sl.

Raspravljalo se o reformi školstva i sta sve nudi postojeće reforma obrazovanja, nedostatku stručnog kadra .Iskazana potreba da se organizuje okrugli stol na temu školstva i ono što nam VSS obrazovanje nudi a koje su realne potrebe, potrebe tržišta rada.

g. Rošić- Istakao dugogodišnji problem sa niskotarifnim aviokompanijama, pitanjima nelojalne konkurencije, neadekvatnog i selektivnog primjenjivanja pojedinih propisa, problemima povlaštenih pozicija. S obzirom da je rečeno da ce se raditi na ukidanju parafiskalnih nameta i administrativnih barijera, smatra da je to nužno učiniti jer je privreda na koljenima. Iako je takva situacija, značajno je naglasiti da ipak ZE-DO kanton učestvuje 26% na izvoz i 17% sa izvozom prema inostranom tržištu, što je veliki uspjeh ovog kantona.

g. Begić – prezentovao i pismeno priložio dio problema o kojima bi on volio da u buduće bude više riječi. Podržao rad ESV-a i naglasio značaj rada Grupacije, jer kao osoba kao dugogodišnjim iskustvom zna da se kao pojedinac nije lako izboriti za svoja prava, te da je to jedini način da se izvrši uticaj na parlamentarne procedure. Sada imamo mogućnost i poziciju da uđemo u pregovore s vladom. Nameti na privredu su preveliki i glas privrednika se ne čuje dovoljno.

Složio se s g. Meškićem da su mali troškovi članstva s obzirom šta sve članstvo pruža. Na nama je samo da koristimo instrumente koje imamo na raspolaganju.

g. Saračević- iznio svoja pozitivna iskustva iz općine Tešanj, skladnost rada u udruženju te saradnju sa vlasti i svim drugim sudionicima iz lokalne zajednice. Ipak iskazao je zabrinutost i stav da uvijek postoje problema kada je radi o saradnji i poslovima vezano za kantonalnu vladu i propise.

g. Franjić- predložio da se svi zahtjevi i prigovori dostave na mail i dalje u vezi toga poduzimaju adekvatni koraci, na što su se i ostali složili.

Predlaže da ukupne planirane aktivnosti potrebno je funkcionalno usmjeriti u 3 nivoa: na federalni, kantonalni i općinski nivo.

g. Haračić- Osvrnuo se na značaj ESV-a i istakao da sada neće moći ni jedan zakon doći na Vladu a da nije prošao kroz na ESV-a na kojem će poslodavci imati ravnopravnu ulogu sa ostala 2 partnera. Pozvao je sve da u potpunosti koriste ovu mogućnost, te da iznesu sve ono što bi se moglo staviti na dnevni red za rad ESV-a. Predložio g. Sinanovića da pripremi par prijedloga za izmjene zakona za koje smatra da trebaju ići na ESV.

Također navodi da predstoji Skupština UPFBiH planirana za 10.04.2017. godine, da bi bilo dobro zahtjeve iznijeti i na toj skupštini, te predložio da se kandidati koji će prisustvovati istoj pripreme u pogledu zahtjeva i inicijativa koje žele poduzeti i sl.

ZAKLJUČAK :

- Zaključeno je da je potrebno još jasnije definisati prioritete na nivou Grupacije s naglasom na praktičan rad. Nastaviti rad s tendencijom pozitivnog rasta u navedenim tačkama.

Potrebno je izvršiti pritisak na organe vlasti u borbi protiv njihove sporosti u radu.

-Potrebno je napraviti izvještaj koji obuhvata aktivnosti koje su započete u ranijem periodu a nisu privedene kraju, te da one budu sastavni dio Plana rada Grupacije za 2017. godinu.

- Također, ukupne planirane aktivnosti potrebno je funkcionalno usmjeriti u 3 nivoa: na federalni, kantonalni i općinski nivo. Da se radi u 3 smjera ili nivoa i da to vidno bude razgraničeno u predstavljenom Planu rada za 2017. godinu.

- Potrebno je da svi dostave na mail zahtjeve i prigovore koje smatraju relevantnim i opravdanim da se povodom istih poduzimaju adekvatni koraci.

Tačka 6. Izbor i imenovanja:

a. Izbor novih članova UO - pod ovom tačkom imenovani

1. Skula Fahir
2. Muhamed Mušović
3. Abaz Alispahić
4. Alija Zukić
5. Mirsad Hadžan

b. Izbor zamjenika člana ESV ZDK- pod ovom tačkom Predsjedavajući Skupštine je upoznao prisutne da je Upravni odbor Grupacije predložio da se za članove ESV-a za ZE-DO Kanton imenuju: Sulejman Haračić, Mikrosani d.o.o, Zenica; Osman Saračević, Saračević d.o.o. Tešanj; Zoran Stapić, Zenela d.o.o., Zenica i Ibrahim Meškić, Minextrade Zenica. Za zamjenike članova ESV-a predloženi su i imenovani: Semir Kantić, UP BC Jelah Tešanj, Ernes Đelmić, Seta Inženjering d.o.o., Zavidovići, Ivo Mrkonjić, Proton d.o.o. Žepče te Šaban Bubalo, Foto Studio Rony, Maglaj.

Predsjedavajući je zamolio prisutne da se izjasne o prijedlozima, te ukoliko imaju daju nove Prijedloge za zamjenike članove ESV-a

Nakon rasprave u kojoj su učestvovali svi prisutni donesen je sljedeći:

ZAKLJUČAK: Skupština je jednoglasno usvojila prijedlog da se za zamjenike članova ESV-a za ZE-DO kantona imenuju :

1. Semir Kantić, UP BC Jelah Tešanj
2. Ernes Đelmić, Seta Inženjering d.o.o., Zavidovići
3. Ivo Mrkonjić, Proton d.o.o. Žepče
4. Šaban Bubalo, Foto Studio Rony, Maglaj

c. Izbor predstavnika u redovnu skupštinu Udruženja poslodavaca FBiH- pod ovom tačkom općinske organizacije su ranije pozvane da delegiraju odnosno predložite svoje članove za organe Udruženje poslodavaca FBiH.U skladu sa članom 22. Prečišćenog teksta Statuta UPFBiH Skupštinu čini 60 članova Udruženja, koje predlažu grupacije i pojedinačni i kolektivni članovi, a bira UO. Prilikom izbora kandidata mora se učiniti napor da se obezbijedi što ravnomjernija zastupljenost članova, po osnovu reprezentativnosti i djelatnosti, te regionalnoj, nacionalnoj i spolnoj pripadnosti.

S obzirom na Odluku o određivanju sastava delegata, te Kriterij za izbor i imenovanje u organe Udruženja poslodavaca FBiH, na osnovu kojih se vrši izbor delegata za Skupštinu dostavljeni su prijedlozi a predsjedavajući je upoznao prisutne sa prijedlozima članova za Skupštinu FBiH koja je zakazana za 10.04.2017. godine. Također, navedeno je da će ostali izvan izglasanog spiska biti gosti ma sjednici .

Obzirom da nije bilo novih prijedloga donesen je sljedeći:

ZAKLJUČAK: Jedoglasnom odlukom ispred Grupacije poslodavaca ZE-DO kantona za Skupštinu UPFBiH delegirani su:

1. UPIP-a Žepče- g. Ivo Mrkonjić
2. Udruženje poslodavaca ZE-DO kantona - g.Ibrahim Meškić
3. Udruženje poslodavaca UP 15 maj -gosp.Nadira Mulahasanović
4. Biznis Tešanj - gosp. Adisa Karahodžić , g. Mirsad Hadžan , g.Senad Brka
5. Predstavnik za Visoko – gosp. Dinka Semić, Secom d.o.o., Visoko
6. Udruženje poslodavaca općine Kakanj – g. Zufer Suljić
7. Alija Sinanović, Almy d.o.o., Zenica
8. Vladimir Franjić, Meridijan doo Zenica
9. Džemal Rošić, Biss Tours Zenica
10. Alija Zukić, Medicom doo. Zenica

Tačka 7. Razno

ZAKLJUČAK: Pod ovom tačkom nije bilo rasprava niti delegiranih pitanja.

Sastanak završio u 14 : 15h

Zapisnik sačinila : Lana Šabani

**Predsjednik Skupštine
Grupacija poslodavaca ZE-DO kantona
Mensur Krdžalić**